

## Službeni glasnik BiH, broj 80/16

Komisija za očuvanje nacionalnih spomenika, na osnovi člana V stav 4 Aneksa 8. Općeg okvirnog sporazuma za mir u Bosni i Hercegovini i člana 39. stav 1 Poslovnika o radu Komisije za očuvanje nacionalnih spomenika, na sjednici održanoj od 16. do 18. decembra 2015. godine, donijela je

### ODLUKU

#### I

**Historijska građevina - Stara željeznička stanica, općina Lukavac**, proglašava se nacionalnim spomenikom Bosne i Hercegovine (u daljnjem tekstu nacionalni spomenik).

Nacionalni spomenik nalazi se na prostoru koji obuhvata k.č. 2715 i 2716, k.o. Lukavac (novi premjer), što odgovara k.č. 257/32 i 257/33, k.o. Bistrac (stari premjer) i dijelovima k.č. 2717 i 2710/1, k.o. Lukavac (novi premjer), što odgovara k.č. 237/2 i 237/9, k.o. Bistrac (stari premjer), z.k. uložak br. 3186, 297 i 3444, općina Lukavac, Federacija Bosne i Hercegovine, Bosna i Hercegovina.

Na nacionalni spomenik se primjenjuju mjere zaštite utvrđene Zakonom o provođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02, 6/04 i 51/07).

#### II

Vlada Federacije Bosne i Hercegovine (u daljnjem tekstu: Vlada Federacije) dužna je osigurati pravne, naučne, tehničke, administrativne i finansijske mjere za zaštitu, konzervaciju, restauraciju i prezentaciju nacionalnog spomenika.

Komisija za očuvanje nacionalnih spomenika (u daljnjem tekstu: Komisija) utvrdit će tehničke uvjete i osigurati finansijska sredstva za izradu i postavljanje informacijske table sa osnovnim podacima o spomeniku i odluci o proglašenju dobra nacionalnim spomenikom.

#### III

U cilju trajne zaštite nacionalnog spomenika, na prostoru definiranom u tački I stav 2 ove odluke utvrđuju se sljedeće mjere zaštite:

**I stepen zaštite** primjenjuje se na prostoru koji obuhvata k.č. 2715 i 2716, k.o. Lukavac (novi premjer), što odgovara k.č. 257/32 i 257/33, k.o. Bistrac (stari premjer), z.k. uložak broj 3186, općina Lukavac. U tom prostoru utvrđuju se sljedeće mjere zaštite:

- dozvoljeni su istraživački i konzervatorsko-restauratorski radovi, radovi na sanaciji i prezentaciji spomenika, uz odobrenje federalnog ministarstva nadležnog za prostorno uređenje (u daljnjem tekstu: nadležno ministarstvo) i stručni nadzor nadležne službe zaštite naslijeđa na nivou Federacije Bosne i Hercegovine (u daljnjem tekstu: nadležna služba zaštite);
- prilikom radova na restauraciji objekta neophodno je sačuvati njegov izvorni izgled;
- dozvoljena je adaptacija prostora u cilju njegovog prilagođavanja savremenim potrebama (instalacije grijanja i drugi radovi u enterijeru) pod uvjetom da se ne ugroze spomeničke vrijednosti objekta, uz odobrenje nadležnog ministarstva i stručno nadziranje nadležne službe zaštite;
- objekat se može koristiti u stambene, poslovne, obrazovne i kulturne svrhe, odnosno na način koji neće ugroziti integritet objekta i njegovo značenje u strukturi područja.

**II stepen zaštite** primjenjuje se na prostoru dvorišta koje obuhvata dijelove k.č. 2717 i 2710/1, k.o. Lukavac (novi premjer), što odgovara k.č. 237/2 i 237/9, k.o. Bistrac (stari premjer), određen sljedećim koordinatama: X=6542349.35 Y=4931988.37; X=6542365.54 Y=4931972.90; X=6542347.27 Y=4931953.56 i X=6542331.34 Y=4931968.69. U tom prostoru dozvoljeno je isključivo tekuće održavanje i uređenje površine.

#### IV

Stavljaju se van snage svi provedbeni i razvojni prostorno-planski akti u dijelu u kojem su u suprotnosti sa odredbama ove odluke.

#### V

Svako, a posebno nadležni organi Federacije Bosne i Hercegovine, kantona, gradske i općinske službe suzdržat će se od poduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu.

#### VI

Ova odluka dostavit će se Vladi Federacije, nadležnom ministarstvu, nadležnoj službi zaštite i općinskom organu uprave nadležnom za poslove urbanizma i katastra, radi provođenja mjera utvrđenih u tač. II-V ove odluke, te nadležnom općinskom sudu radi upisa u zemljišne knjige.

## VII

Sastavni dio ove odluke je obrazloženje sa pratećom dokumentacijom, koje je dostupno na uvid zainteresiranim licima u prostorijama i na web-stranici Komisije (<http://www.kons.gov.ba>).

## VIII

Prema članu V stav 4 Aneksa 8. Općeg okvirnog sporazuma za mir u Bosni i Hercegovini, odluke Komisije su konačne.

## IX

Ova odluka stupa na snagu narednog dana od dana objavljivanja u "Službenom glasniku BiH".

Ovu odluku Komisija je donijela u sljedećem sastavu: Zeynep Ahunbay, Martin Cherry, Amra Hadžimuhamedović, Dubravko Lovrenović i Ljiljana Ševo.

Broj 07.3-2.3-64/15-30  
17. decembra 2015. godine  
Sarajevo

Predsjedavajuća Komisije  
**Ljiljana Ševo**, s. r.